



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**Odluka**  
**o pristupanje projektu obnove i adaptacije zgrade DPO**  
**(Prijedlog)**

**Predlagač:** Gradonačelnica  
**Obradivač:** Služba za urbano planiranje,  
investicijske, stambene i komunalne  
poslove Grada Sarajeva

**Sarajevo, septembar 2022. godine**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** [gsgv@sarajevo.ba](mailto:gsgv@sarajevo.ba)  
**Web:** [gradskovijece.sarajevo.ba](http://gradskovijece.sarajevo.ba)



Na osnovu člana 26. stav (1) tačka 2. Statuta Grada Sarajeva, a u vezi člana 26. stav (10) Statuta Grada Sarajeva („Službene novine Kantona Sarajevo“, broj 34/08 – prečišćeni tekst), te Zaključka Gradskog vijeća, broj 01-GV-02-1196-1.1/22 od 26.07.2022. godine, Gradsko vijeće Grada, na \_\_. sjednici održanoj dana \_\_.\_\_.2022. godine, donijelo je:

**(Prijedlog)**

**Odluku  
o pristupanju Projektu obnove i adaptacije zgrade DPO**

**Član 1.**

(Pristupanje Projektu obnove)

Grad Sarajevo pristupa Projektu obnove i adaptacije zgrade DPO (u daljnjem tekstu: Projekat) definisane prema Ugovoru o prijenosu prava vlasništva i posjeda bez naknade, broj OPU-IP-670/2022 od 10.08.2022. godine.

**Član 2.**

(Zaduženja)

Gradsko vijeće Grada Sarajeva zadužuje gradonačelnicu Grada Sarajeva da za potrebe uspješne realizacije Projekata poduzima sve neophodne radnje, pribavi potrebnu projektnu dokumentaciju, te planira adekvatna namjenska finansijska sredstva u Budžetu Grada Sarajeva

**Član 3.**

(Finansijska sredstva)

- (1) Finasijska sredstva za realizaciju Projekta Grad Sarajevo će obezbijediti u Budžetu Grada Sarajeva za 2023. godinu, kao i putem DOB-a.
- (2) Grad Sarajevo će tražiti mogućnost iznalaženja dodatnih izvora finasijskih sredstava u saradnji sa drugim nivoima vlasti, domaćim i međunarodnim subjektima.

**Član 4.**

(Stupanje na snagu)

Ova odluka stupa na snagu naredni dan od dana objave u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA**

**Jasmin Ademović**

Broj:  
Sarajevo:

## OBRAZLOŽENJE

### PRAVNI OSNOV

Pravni osnov za donošenje Odluke sadržan je u članu 26. stav (1) tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojim je propisano da Gradsko vijeće donosi odluke, druge propise i opće akte i daje njihovo tumačenje.

Član 26. stav (10) Statuta Grada Sarajeva („Službene novine Kantona Sarajevo“, broj 34/08 – prečišćeni tekst) propisuje da Gradsko vijeće upravlja i raspolaže imovinom Grada Sarajeva.

Zaključkom Gradskog vijeća, broj 01-GV-02-1196-1.1/22 od 26.07.2022. godine, zadužena je gradonačelnica da projekat obnove zgrade DPO-a uvrsti u trogodišnji plan rada, te u Dokument okvirnog Budžeta, kao i u program javnih investicija za period 2023.-2025. godine i Plan rada Grada Sarajeva za 2023. godinu. Zadužena je gradonačelnica da predloži Gradskom vijeću pristupanje projektu obnove i adaptacije zgrade DPO te da do kraja tekuće godine pribavi studiju izvodljivosti projekta obnove zgrade DPO, a da pri predlaganju Budžeta Grada Sarajeva za 2023. godinu predloži sredstva potrebna za izradu projektne dokumentacije za cjelovitu obnovu zgrade DPO i sredstva za početak izvođenja radova.

### RAZLOZI DONOŠENJA

Sklopljenim Ugovorom o prijenosu prava vlasništva i posjeda bez naknade, broj OPU-IP-670/2022 od 10.08.2022. godine, zgrade DPO na Grad Sarajevo, stekli su se uslovi za opravdano ulaganje finansijskih sredstava u obnovu zgrade DPO.

Zgrada je sagrađena 1980. godine za potrebe Društveno-političkih organizacija grada, djelo je arhitekta Vladimira Dobrovića. Objekat se nalazi u obuhvatu nacionalnog spomenika Historijski urbani krajolik Sarajevo („Službene novine BiH“, br. 1/21 i 10/21).

Gradska administracija trenutno je raspoređena na 3 različite lokacije u gradu. Ova situacija otežava svakodnevni rad i komunikaciju uposlenih te znatno utiče na efikasnost rada administracije i donosioca odluke.

Obzirom da posljednjih 30 godina nije bilo ozbiljnih ulaganja u održavanje zgrade, neophodno je pristupiti projekatu obnove i rekonstrukcije dotrajalih dijelova zgrade.

Za potrebe obnove neophodno je, prije svega, pribavi potrebnu projektnu dokumentaciju te na osnovu iste planirati adekvatna namjenska finansijska sredstva u narednim godinama.

Realizacijom projekta Grad Sarajevo će dobiti reprezentativan objekat dostojan imena grada Sarajeva, uposlenici adekvatne prostorije i uslove za rad te znatno unaprjeđenje efikasnosti rada.

### FINANSIJSKA SREDSTVA

Potrebno je planirati finansijska sredstva u Budžetu Grada Sarajeva